

aut privilegium a Statutis, ubinam hoc attingunt jus? Revera Ordinis vel Instituti jura ad ipsos non pertinent: Communitatis negotia specialia tuenda non spectat: neque tandem administratio bonorum conceditur Capituli Praesidentibus: curiam igitur istis, voti deliberativi tribuenda est facultas? Et jam satis pro votis simplicibus.

DE MONIALIBUS

Caput unicum.

Quod jam exposuimus de *Regularibus* votorum solemnium; et diximus de votorum simplicium *Professis*, utique est retinendum pro MONIALIBUS; ait enim Bened. XIV in Const. *Si datam — omnia quae decreta sunt de viris Religiosis, comprehendere etiam foeminas, ubi eadem causa militat —* exceptis, ac notatis nonnullis, de quibus inferius breviter et simpliciter sermonem habebimus.

§ 1.

De Domo seu Monasterio Monialium.

Moniales sive vota solemnia sive simplicia nuncupaverint, etiamsi sorores, plurima cum aliis religiosis communia tenent.

Habent sane *Domum*, ubi degant, quae nisi in canonicam, auctoritate competenti, sit erecta, nequidem *Domus Sodalitatis* dici potest.

Quae erectio in Institutis *Dioecesanis* ab Episcopo fieri potest; in *Pontificiis* supplici libello interesse habentis, S. Congregatio facultatem

benigne tribuit deveniendi ad canonicam erectionem enuntiatae *Domus cum omnibus privilegiis, et gratiis spiritualibus, ac exemptionibus a Summis Pontificibus praefato Instituto, quomodocumque concessis*; dummodo in ea omnia et singula habeantur, quae a Const. Apost., Ordinis aut *Instituti*, pro hujusmodi erectione sint requisita.

Hinc quaeritur — Domum adprobatam in sua Dioecesi extinguere potest Episcopus?

Hic gravibus de causis singulares Domo in sua cuique Dioecesi tollere jus habet. *Bulla Conditae, p. 1, n. 6.*

Potest et Sodalitatem Episcopus ad Dioeceses alias transferre?

Minime nisi consentiente utroque Episcopo tum loci unde excedat, tum loci quo velit commigrare. *Bull. cit., p. 1, n. 4.* Ceterum sunt consulenda respectiva Statuta.

§ 2.

De Novitiatu.

Constituta ad formam Iuris Domo, tunc in ea erigitur Novitiatus: pro cuius erectione in *Institutis Dioecesanis*, Episcopi est facultas: in *Pontificiis* vero, Sacra Congregatio indulget — dummodo in praefata Domo habeantur, quae de

jure requiruntur ad formam SS. Canonum et Apostolicar. Constitutionum pro institutione et educatione Novitiarum.

§ 3.

De Postulantibus.

Moderatores, praemissis a lege statutis « et praevio examine super requisitis conditionibus » admittunt Postulantes in Domo Novitiatus, ad habitum *Instituti*; et *ad formalem probationem*: quae ob variam naturam sodalitatis, protrahi potest etiam ad duos annos: tamen *unius anni integri* — sub directione *Magistrae* juridice a competenti auctoritate designatae — tempus *absolute* requiritur, *et sine interruptione*. Quo tempore elapso — si digna sit *Puella* TRIA VOTA *obedientiae, paupertatis, et castitatis*, PROFITEATUR — SECUS EJICIATUR. — *De Iure pract. Regular. 1. 3. 2. p. 103. et seqq.* Namque Novitiis non licet una cum Professis commorari nisi in Choro, in Ecclesia, in Processionibus, et in Coenaculo causa refectionis. Minime eis permittitur sorores professas Domo exeuntes comitari.

Hodie autem etiam Moniales — ex nova Constitutione — *Perpensis temporum, 3 Maji 1902* — emittere debent *vota simplicia* ante solemnem

fessionem, uti religiosi viri; in his standum er triennium: quo elapso, Professae simplices vota sollemnia nuncupare valeant — si nihil aliud obsit — salvis Constitutionibus specialibus alicujus Sodalitatis — et dumtaxat in Monasteriis a quocumque dominio redemptis: secus cum hac conditione, ut « attentis praesentibus adjunctis, nulla se obligatione devinciri in posterum emissa vota observandi, si vi ac violentia e claustro sit egressura monialis ».

Professio ad vota sollemnia potest differri, tamen non ultra aetatem viginti quinque annorum expletorum. Cit. Decret. n. 4. Interim *Professae simplices* gaudent juribus et privilegiis uti *sollemnes*: voce activa et passiva fruuntur, nonnullis exceptis — uti videre est *Cit. Decret. n. VIII.*

Quibus in genere praenotatis, nunc videndum est:

Quid importent in Monialibus tria vota Simplicia Obedientiae, Paupertatis, et Castitatis.

§ 4.

De Obedientiae voto.

Votum obedientiae in Religiosa abdicationem suae voluntatis inducit: ita ut virtute illius voti, mandatis Superiorissae obtemperare debeat,

sicuti auctoritati a Deo constitutae. Moderatrix enim petere potest quod necessarium videtur, aut utile, ad veram Regulae, et Constitutionis observantiam; et si subdita obedientiam non praestat in contemptum auctoritatis, vel cum scandalo Sororum, aut saecularium, graviter incidit in peccatum. Obedientia vero fieri debet — sine mora — non tepide — et cum bono animo — *S. Benedictus Reg. C. V. apud Holsten. Cod. Reg. n. 2. p. 118. — De jure pratico Reg. 11, 3. 1. p. 148. et seqq.*

Hinc quaeritur: possunt Moderatrices *virtute voti obedientiae*, manifestationem conscientiae a suis subditis exigere, ac deinde eis ad Sacram Synaxim accedere, vel pro lubitu permittere, aut interdum prohibere?

Minime sane: et Summus Pontifex *Leo XIII in Decreto Quemadmodum omnium 19 Dec. 1890.* Prohibuit absolute superiorissis cujuscumque gradus, et praeminentiae « ne personas sibi « subditas inducere pertentent directe aut indirecte, praecepto, consilio, timore, minis, blanditiis ad hujusmodi manifestationem conscientiae sibi peragendam; subditisque e converso « praecepit, ut Superioribus Majoribus denunciant Superiores minores, qui eos ad id inducere audeant: et si agatur de Moderatrici

« Generali denūciatio ad S. Congr. EE. et « RR. ab iis fieri debet ». Deinde regulas oportunas idem Pontifex perspicue designat: praecipiens in n. VII. omnibus et singulis Superioribus Generalibus, Provincialibus et Localibus Institutorum, ut studiose accurateque hujus decreti dispositiones observent sub poenis contra Superiores Apostolicae Sedis mandata violantes ipso facto incurrendis.

§ 5.

De Voto Paupertatis.

Votum paupertatis importat renunciationem divitiis et bonis omnibus, eorumque *Dominio* nedum *utili*, sed etiam *radicali*, si agatur de Moniali *solemniter Professae*; sin de *simplici Professae*, ut cautum sit libertati Postulantis, et Instituti, ipsi reservatur illud dominium (*relicta verum administratione*) de quo definitive disponere non poterit, nisi infra *duos menses* proxime praecedentes professionem solemnem. *Concil. Trident. Sess. 25. De Regul. et Monialibus, Cap. XIII. Decret. Perpens. temporum, n. XI.* Hinc non probantur actus donationis, quibus candidata dominium rerum

suarum transferat ad Institutum antequam dictam professionem votorum emiseric. *Normae de Novis Institutis n. 84. — De jure pract. Reg. n. 5. 1. p. 130 et seqq.*

Proindeque quidquid Monialis industria sua, vel intuitu Instituta equirat, Communitati cedere debet, in bonum totius Communitatis — reservato tamen *dominio radicali*. Et si Monasterium sit strictae observantiae, et vitae communis, ne quidem parvulum peculium Professae conceditur: secus datur parva pecunia; ast ejus *usus*, consensus superiorissae subaudit. Verum cum bonis Communitatis Religiosa vitam vivere debet.

Ex quibus consequitur prudens non esse instituere sodalitates quae non habeant, unde vivant ad mentem *Bullae Conditae p. 1. n. III.* quae ait « Episcopi et Institutores quicumque Sodalitatem condidit ullam ne siverint, quae redditibus careat ad Sodalium victum necessariis ».

§ 6.

De Dote.

Ad hunc effectum ne Sodalitatis componentes victu necessario deficient, in quolibet Instituto praefigitur *Dos* aliqua respective sol-

venda a Choristis et Conversis; juridice constituenda: et antequam Candidata habitu induatur, cui de jure tradenda: ea tamen conditione — ut si Soror ab Instituto discedat, vel dimittatur, sua *Dos*, ipsi, quamvis sine fructibus, tamen est restituenda. Normae, Cap. VII, n. 91. et seqq.

Evenit quandoque, quod in Postulante cetera requisita concurrant, vires tamen deficient *Dotem* cumulandi Instituto tradendam. Tunc Sorori datum est Summo Pontifici porrigere preces « et S. Congregatio facultatem benigne « tribuit Superiorissae Generali, quatenus statui oeconomico Instituto detrimentum non « afferatur, et praevio consensu Concilii Generalitii rite praestando, *Dotem* reducere, « vel etiam in totum condonare valeat favore Postulantis pauperis, quae ceteroquin « talibus sit praedita requisitis, ut ea magnae « utilitatis Instituto fore certa spes habeatur ».

Sciunt tamen Sorores ipsis esse prohibitum de *Dote* Instituto collata, quaecumque ea sit, ullo modo disponere.

§ 7.

De eleemosynis colligendis a sororibus.

Dantur et Instituta, in quibus Sodales in proximorum bonum longe lateque opera misericordiae exercent: ast deficientibus mediis debent eleemosynas quaeritare. Sed ne ex hoc pietatis officio admirationes evenirent aut scandala, *Leo XIII* Pontifex Maximus *Decreto SINGULARI QUIDEM, die 27 Martii 1896*, nonnullas praescripsit regulas; inter quas — ut Alumnae non aggrediantur opus quaeritandi eleemosynas nisi in spiritu fidei: stipem non sibi colligant, sed ipsi Christo Jesu, cum licentia et vigilia, ac praesidio Episcoporum. Superiorissae non mittant ad quaerendas eleemosynas nisi binas sorores aetate et animo maturas: quibus intra suam Dioecesim non ultra *mensem* liceat commorari: et extra Dioecesim non ultra *duos menses*: sed domum remeare debeant; relinquentes in populis aedificationis signa et honestatis. Sin vero male se gerant, quod absit, statim in propriam Domum redire teneantur, et Ordinarii locorum, ad id adimplendum, opportunis etiam mediis, si opus fuerit, eas impellere queant. *Decreto cit. n. VII.*

§ 8.

De voto Castitatis.

Voto castitatis Professae adstringuntur ad Coelibatum: et insuper novo onerantur titulo ad abstinendum ab opposito; ita ut si aliqua ratione transgrediantur, etiam contra votum agere ipsae viderentur. Vigilantia igitur rigoroſa praecipitur; et alterius sexus praesertim frequens inhibetur conversatio.

Ideo Romani Pontifices Statuta Monialium adprobantes, *Clausuram* in primis valde commendant, ad mentem Clem. VIII, qui in Decreto generali, *De Reform. Regul.* ut omnis scandali et vagationis occasio tollatur, praescribit — *quod Conventus Clausura perpetuo, ac diligenter servetur.*

Quid vero dicendum de iis, quae propter *officium* vel in Claustris, aut extra cum Saecularibus familiariter consuetudinem habere debeant?

Cum oratione et jejuniis oportet ut vigilantes semper incedant, et si aliquid adversum obveniat, a Superioribus continuo et revera est providendum.

§ 9.

De dispensandis, aut dimittendis ab Instituto Monialibus: deque facultate ab eo egrediendi.

Accidit quandoque, ut Monialis quaedam, sive solemniter, sive simpliciter, sive ad tempus, vel perpetuo professa, etiam *Soror*, vel gravi causa, aut vocationis defectu, non valeat amplius onera Clauſtri sustinere, et dispensationem vel dimissionem petit: in hoc casu quid agendum?

Vel est sermo de Sodalitate *Dioecesana*, et tunc Alumnam, dispensandi vel dimittendi, Episcopo facta est potestas votis perpetuis aequae ac temporaneis remissis un^o dempto (ex auctoritate saltem propria) colendae perpetuo Castitatis. *Bulla Conditae p. 1, N. VIII.*

Vel agitur de *Institutis Pontificiis* — tunc condonare vota sive temporanea sint, sive perpetua, unius est Romani Pontificis. *Bulla Conditae, p. 2. n. 11.*

Tunc Sodalitatis supplicis libello exponit — se imparem esse ad sustinenda onera vitae communis, hinc implorat dispensationem super votis simplicibus — et S. Congregatio — praevio examine rationabilis causae — benigne indulget de